

Títelé foí ke Piyee uu n wói

Lelee rítelé ntí kémee ní we

Yeesu Kirisi utumε kapi ye n sée re Piyee yee rítelé ntí wói. Kirisi pikó pee pee mekee Asii awélé anupū anyine kémee n yekaalē ke Piyee uu rítelé ntí wólu. Piyee ye ró símisi re Silasi kuu né ritiki uú né rítelé ntí wólu (5:12). U ri wói re piké ne ti rikóónú. Papilṵoni-i kuu ri wói, lelee re Rṵm-pṵ. Kirisi pikó fale pee Asii ketē kecáá ní we kuu ri wṵipṵ (2:2). Kapi Kirisi pikó nnya kapi kei we yare písáne. Pi ye né isímé pi kparailē, pin kṵ piwéékuse né pi lémaalē. Lē nnya ke Pṵoli uu pi ηmṵópúsēlē te piké ikari né kényu mahā pin Yeesu Kirisi inípee tapaalē. Pi ne uyē pee nkpéni kesé íwe ise le.

Ifaaci iyē mekériine ye mmé:

1. Piyee ye ipakare né iwele wale uú né pepepe uritelé ntí ní kēē léise lē ke Uléécáa uu piayu n lṵ uu kṵ né Yeesu Kirisi nkpṵ né umeyise tiki uú né tíyese apí n tálē (1:3-12).
2. U pi ηmṵópúselenle re ápi kape lṵpile, piké isoi yee n kpáiiilē Kirisi kupénecṵ kéméé n le (1:13-2:10).
3. Piké né Kirisi m paállē, api pee piisoí kapi yé pipeikē kémee n le né nyíse re pi unsímé né aseí tikilenle. Uu kṵ icélaa pi pasii yee yé pipiyupipikei kapi yé n wai kémee pi n yóriye. Uu kṵ písihúú kémee metone né piicápine kéméé né pi ne pepepe ápi Uléécáa n nyu metone kémee icélaa pi pasii (2:11-4:19).

4. Títelē ntí uwòle ye nté Kirisi pikó icélaa palenle re piké ye píweluké kémee ikari m má pin ne lē ke Uléécaā uu pi n yekeilē tálē (5).

Iyáhaa

¹ Née Piyee. Ne Yeesu Kirisi utumε le. Née nǒ ke Uléécaā uu n wée re ani pansε upikó rítelē ntí wólu. Nǒ písáne le nǒn Pǒnti ne Kalasii ne Kapatǒsi ne Asii ne Pitinii sitē kecáá yekaalē. ² Sáa Uléécaā ye nǒ wée yare kuu mekeε-me má ma. U Nfáasǒne ne ritikile uú ne nǒ wéle uu iyaa yekei re ani Yeesu Kirisi m pakarelē ani kǒ umenyε wole ani funi.

Uléécaā uké ípeelée ne nkíninε meyǎ nǒ he.

Tǒké meyktyiki n tálē te Uléécaā lisǒne ye wemele

³ Tǒ Urǒpiima Yeesu Kirisi usaa Uléécaā pakare. U íwe meyǎ tǒ ténle uu Yeesu Kirisi meyiε pikpǒkpǒ kémee ne tiki uú ne nfáa fale ró he. Lē nnya kari tálē te tǒ nfáa yē. ⁴ U kǒ nfáa fale ró hele re tǒké lisǒne lē yē. Ai ye fǒni, ái ye mékperinkpe wa, ái ye kǒ caai. ⁵ Nǒ kecáá ke Uléécaā uú ne unnaεe má paílē, un nǒ múílē te nǒ ne kefa u tene uké ne nǒrinéyu lǒ nnya. Siyáa tǒwǒ kémee kuu lē waine liké nyíε.

⁶ Mpá kai neni nní m piεε re liké ncǒη mpehē mpehē kémee nǒ m peikeε re nǒanépǒ aké n caailē, ani ne mpǒǒnare n cǒpisi. ⁷ Li lē wale re liké yé te iye ke nǒnnéfatenε nsǒne nn sá. Wura yèè caaile. Mpá ne lē, pi ye uyē ticuruu nna kémee wale piké unsǒne yē. Nǒnnéfatenε ye wura ríyu fele. Limεcǒ ke Uléécaā uu ye nǒnnéfatenε musí uké nnsǒne yē. Lελεε yé tíyεε aní ha keyáa kē ke Yeesu Kirisi uu umεcire ní lesene uké nǒ n nyíε, pisoι iyáhaa ne ipakare ne ríyu

yenu. ⁸ Nɔ u lalɛ ʼani kahane u n yɛ. Ne nkpɛni-me ʼani kahane u n yɛ, amá nɔ kɔ pɛɛ ne kefa u tenelenle, nɔn kɔ mpɔɔnare ne ɔɔpisi ʼai kumúnjé má, lin kɔ ríyu má. ⁹ Kɛ Uléecaa uu nɔanɛ́yu n lɔ nnya kani lɛ ne mpɔɔnare ɔɔpisi. Kani Yeesu ne kefa n tene kulaa ye kpɛ kani n yɛ́.

¹⁰ Antepuyɛ ye pɛɛ mɛkɛɛ wéesile piké píyulalɛ pɛ kumúnjé yɛ́. Pi pɛɛ mɛkɛɛ-me lihɛɛhɛɛ lɛ kani n yósunɛ nsímé símisile. ¹¹ Kirisi Nfaasɔne ye pɛɛ pikemɛé wele nn hái mɛkɛɛ-me pi símisi íwe iyɛ ke Kirisi uu meluke m má ne ríyu tɛ kuu n sɔnti uké ní yɛ́. Lɛ nnya kapi wéesi api perei ríɔne piké yɛ́ tɛ kumúnjé kúye-i ne íye kai sɔnti liké lɛ wa. ¹² Ai pi nyíse api yenu re ʼai piricuruu ke nsímé mmɛ kapi n símisi nn ne máne, amá nɔ́ kní ne máne. Mmɛ ke pɛpɛɛ Nsímé Kɛcire nó n yóólɛ api kɔ neni nní nó símisi. Nfaasɔne mɛɛ keyómecaa n léeri nnaɔɛ kapi ne nó símisi. Piléecatume ricuruu ye lalɛ piké nsímé mmɛ ceri.

Mefine mɛɛ ne Uléecaa n sá

¹³ Lɛ nnya, ani lɛ kani yé n wa kecáá nókenémúnjé n wailɛ. Ani mpá yo n wai ne kemúnjé, ani meýikíyiki n tálɛ tɛ Uléecaa yé ne kefa nó fénnɛ uu Yeesu Kirisi mɛkamɛ kɛmɛɛ ihɛɛ nó pa. ¹⁴ Nɔ siwá le sɛɛ ye m pakare. Lɛ nnya, ʼani kape nómenéla n tikilɛ yarɛ kaní pɛɛ ní we ʼani méka nyu. ¹⁵ Ani Uléecaa mɛɔ n we nɔn likóɔɛ kaasɛ. Uyɛɛ nó sée. Ani nómenéwee nnéi kɛmɛɛ n kpáiiilɛ yarɛ ke Uléecaa yɛɛ nó ní sée uu n kpáiiilɛ mɛɔ. ¹⁶ Li wɔlaalɛ tɛ: Ani n kpáiiilɛ yarɛ ke née n kpáiiilɛ mɛɔ.

17 Nɔ ye nɔn Ulééca n yáási, nɔ ye u sée re Sáa. Uu ye úka keyu ripaí uké kelené umewai kecáá u túhaane. Lẽ nnya, li ne sá re nɔké lẽ nnéi kani nóinésói kémee n wai kémee u n wuru. 18 Nɔ kɔ meyíkíyiki nyule re áí linyine lee ye n caai yare nní nwóóweni nées wura kapi kpísi apí ne nóanényu lɔlu apí ne nópínékpure mewee mee áme kuláa kúka m má kapi nó rintéjse kémee nó lese. 19 Amá Kirisi menyé sɔne mee ríyu m má kapi ne ró lese. U we yare inyóonsesan yee íi ríka n caailẽ, íi kɔ ríka tejlẽ kapi ne ró nyóonse. 20 Uyẽ ke Ulééca uu hái mekee-me wée uu kelené mpá yo wai re uké písoi ayu ɔ. Uu kɔ nkpení nń nnya siyáa tɔrɔ nsí-i u leseri re liké nó yóriye. 21 Uyẽ kani ritiki aní ne Ulééca kefa tene. Ulééca uyee pikpɔkpɔ kémee u yukuse uu ríyu u waise re nɔké ne Ulééca kefa tene ani kɔ ne u n tálẽ nnya.

22 Nɔ nkpení nsímései mee ye usoi riyu n ɔ pakarelenle ani peé ne fe ani meyíkíyiki n lakaane n̄sɔne. Lẽ nnya, ani ne nósinéfa nnéi n lakaane, áí kape kecáá kecáá. 23 Ulééca Nsímé ye tíyesele ani nfáa fale yenu. Ani nfáa fale yẽ yare kapi ye kesoi pipi kee ye n kpu m mári. Ulééca Nsímé n̄n we yare nlukepuri mee ye n caai. Nn ye caai. Mesére kn̄n we ne nnfaa.

24 Kesoi pipi ye we yare meyúí.

Keriyu kake ye n yé yare meyúí mefele.

Meyúí yee kóósile mefele ame súrii.

25 Amá mesére ke Upíima Nsímé Kεcire pɔɔ ye n we.

Nsímé mm̄ kapi nní Nsímé Kεcire kémee nó riyóó.

2

¹ Lẽ nnya, ani rikpákárá nnéi mpuri ne nnóome ne kecáá kecáá mewai ne kufatoi ne iwóhó riyá. ² Ani Uléécaa nsímé n la yare ke siwá fenfēí asi ye nní mepɛ sɔne ní la, liké tíyese nɔké nsɔne papisi, liké kɔ nɔánéyu lɔ nnya. ³ Nɔ Upiima isoi sɔne pilélé masile.

Kirisi pikó ye Uléécaa mpuri pikó le

⁴ Ani ne u rikɔ, uyee ripare kecire tee ye nfáa n he ke pisoí api n kési, Uléécaa pɔɔ ri wée re tete uinipee-i rinéikɔ. ⁵ Nɔ́ ticurru, nɔ́kɛ kɔ n we yare apare nyee nfáa m má. Nyē ke Uléécaa uu kpísi, uu tíyese Unfaasɔne nní ne ukeyɔ u mɔm. Kei kaní yé piléékɔ icápine n wai, piléékɔ pɛe pinfaa n kpísi pin ne inyóɔnse kuu ní la u wai, uyē un kɔ Yeesu Kirisi nnya i pakarente. Uléécaa Nfaasɔne kémee ke liinyóɔnse iyē ii léeri. ⁶ Li Uléécaa Nsímé ritelé kémee wɔlaalē te:

Ne ripare ke Uléécaa uu n wée tin nnéi má kpísile ké Siyɔɔ-pɔ karii riké pansɛ kenui ripare.

Uye un ne ri n tálē, úu isei meluke má. ⁷ Tipare tee nó mpí nɔ́ nní ne kefa n tenelē kémee kuláa píima mále. Amá ri pepɛe ápi Uléécaa ne kefa n tenelē kéméé wele yare lē kapi nní Uléécaa Nsímé ritelé-i n wói re:

Tipare ke pimóme api n fómpɔ tee nkpréni pansɛ tikɛcire tee kenui-i ní we. Li kɔ wɔlaalē te:

Tipare rinyine ye ri ke pisoí api ye rinkpɔu,

kuparecaɔaa kunyine ye ku kpɛe ye pisoí n lóise.

⁸ Ke pisoí pē api Uléécaa nsímé pipakare ní ye nnya kapi ti rikpɔu. Lē kai kɔ háí mekɛe-me we re liké pi wa.

⁹ Amá nŏ ne mpuri mmē ke Uléecaa uu n wée le. Nŏ piléekó icápine le ppe uyŏopi inyŏonse n wa. Nŏ Uléecaa pikó le. U nŏaneyu lŏle uu metéi kéme nŏ yekei re ani umewai píima písoi riyó. ¹⁰ Ani ppe meke Uléecaa mpuri pikó, amá nŏ nkpréni umpuri pikó le. Uléecaa úu ppe meke íwe nŏ tē, amá u nkpréni íwe nŏ ténle.

Isoi kai m pise re Uléecaa ukéikó uké li

¹¹ Pinésáne lala kecire, nŏ ketē nté písáne le ppe pincee n tŏsu. Ne la ké nŏ riŏmŏpúse re ani nŏmenécire tí, ani kape likáipi-káipi lee ne nŏ n tŏpu n tikilē. ¹² Nŏinésói kani n le nŏn ne ppepe ápi Uléecaa n wuru kémeé we iké n nyamí. Lin lē n wa, kei kapi yé ppe nŏ í wŏhŏsi re nŏ mewai kŏpe wai, api kei nŏmenéwai sŏne yenu api Uléecaa ríyu waise keyáa kē kuu n sŏnti.

¹³ Ani Upíima nnya sisoipipi iyŏopi nnéi yee ketē kecáa í we m pakarelē. Ufoí yee uyŏopi yee ketē nnéi kecáa rínanŏe n te. ¹⁴ Ani kŏ ppepe umetene í we m pakarelē. Pē kuu túmēi re piké ye piwaikŏpekŏ kutu ripasa, piké kŏ ppepe lisŏne n wai ríyu waise. ¹⁵ Lē ke Uléecaa uu nŏ la lee re ani lisŏne n wai, piníri ppe ne nŏ n kēŏne piké ne rinséé nnya. ¹⁶ Ani n we yare písoi ppe ápi úka kecáa n tú, amá ani kape ppe re káni nní úka kecáa n tú nnya, nŏ rikpákárá mewai m má nŏn mekecáa yáriilē. Ani n we yare Uléecaa pikeikó. ¹⁷ Ani ye nŏpá úye m pakarelē. Ani nŏpinémáreco n la, ani Uléecaa n wuru, ani kŏ uyŏopi ríyu n waiselē.

Kirisi iwe kari yé m pallē tŏn ne irŏkŏ le

¹⁸ Nŏ pikeikó, li pise re nŏké nŏmenécire ricepise ani nŏpinékeisaa n wuru. Ai pē isoi yee nŏ nyamí pin

kefa láárú ŋmanε, amá ne pẽ mekó mee m páápú kani yé m pakarelẽ. ¹⁹ Li nyamle re mípá pin usoi íwe n lukεise kái peé ne n sá re uké n le, li ríyu mále re uké Uléécaa kuú ne aseí n tíkilẽ nnya n kahari. ²⁰ Asei kecáá, tíyu ríye kai má re usoi uké uncaai nnya íwe n yenaalẽ. Amá in te usoi ye lisone wai un kó peé ne íwe kahari, li Uléécaa inipee-i lisone le. ²¹ Lẽ ke Uléécaa uú ne nó n sée re ani ye wa ye lẽ. Kirisi pḥ ne kó nókenécáá íwe lile uú ne nó nyíse re ani uncee n tikilẽ. ²² Uyẽ úu akópe áka wailẽ, nnóome ríka rín ketume unnó-i léeme. ²³ Pi u lámaankeele, amá úu úka alé ceí, api íwe u lukεise, amá úu úka sisikee, amá umecire kuu kpísi uu Uléécaa yee aseí ne n túhaane anipe-i wai. ²⁴ Arókópe kuu kpísi uu ukεcáá wai apí ne kunapéékó kecáá u karií re akópe aké kerócáá le, tóké pee lelee ní nyamí Uléécaa inipee-i n wai nnya. Uakpẽ nyee tíyese ke tóo ne peí. ²⁵ Nò pee mekke-me nyéreile yare sipoipipi see m pò. Amá nò nkpeni useesé ne uyee nókenécáá mí pailẽ kémee pelele.

3

Pinósi ne pipila kecáá nsmé

¹ Limεcò kái we ne nó pinósi kémee, ani nómenécire ricepise, mípá nó úye uké uula m pakarelẽ. Lelee yé tíyese pẽ pila pee apí nókenécópe Uléécaa nsmé ne kefa n tenelẽ api nóínεsoi sone yenu. Mpá nansá nsmé mmẽ n símisi, pi yé peé ne Uléécaa kefa tene ² re pi nóínεsoi sone kani n le nyáni nnya. ³ Ani kape ne ipiŋe kecáá melape lekaa-lekaa kutu n cólẽ, yare nní pinyúpipahaa ne wura ikólé ne ilũ sone pitánti. ⁴ Amá lelee Uléécaa

kémee ríyu m má lee nní melape lekaa-lekaa mee usoi kefa-i m pékaalē. Ame ye caai, áme ye kō fōni. Lelēe nōnnéfanae ne nōínēsoi niñe-niñe kani n le. ⁵ Limēcō ke pee mēkee pinósi pee Uléécaā ne kefa n tenelē pin pipila pakarelē pin kō ne Uléécaā tálē api ye pee lapisi. ⁶ Piuēe yee nní Sara yee pee ula Apiraham m pakarelē hái uu ye ne u séi re uusaa. Nōn lisōne n wai, nōnsá líka n wuru, nō panselē ukēpire pikó.

⁷ Limēcō nṓ pitisi, ani ne nōpinénósi n we nōn rísōne pi naresi re ápi páápú nnya. Nfáa mmē ke Uléécaā uu nó n he faalaa, nó ne pē kuu kesē n he. Lē nnya, ani ríyu pi n waiselē. Lin lē n we, líka ái yé pee nōpinéyómeyáhaa kémee nó púnēise.

Li pise re Kirisi pikó piké n lakaane

⁸ Ntórōō kam nó n símisine ye mmú re ani kemúnjé keese m má nōn kefa pēnelē. Umáreco nla nké nókenéméé n we, ani ye kō ucō íwe tēni ani kō nómenécire n cepiselē. ⁹ Ani kape ye mewai kópe n ceikeene, áni kape ye kō alē n ceikeene, amá ani ye rinóō sōne usoi ritikise. Lē nnya kuu nó sée re ani ye lē wa, rinóō sōne riké kō ne nṓ n tikilē yare kuu mí ma. ¹⁰ Li Uléécaā Nsímé ritelé kémee wólaalē te: Usoi un meyíkíyiki n la uké isoi sōne li liké kō siyáa nnéi u n láárú,

li pise re uké urilempi ne nsímé kópe tí.

Uu kō unnōō ne nnóōmesimé káase.

¹¹ Uké umecire ne mewai kópe tō. Uu lisōne n wai.

Uké nkíñniñe piwélāa ne kényu m mahanlē.

¹² Upíima ye pepēe aseí n tíkile inípee tapaalenle.

Un kō pipiyómeyáhaa kutu cōlē.

Amá u ye pepēe mewai kópe n wai kēpire ritole.

¹³ In te lisone piwai kaní ne keyu mahanlẽ, wóo yé pɛɛ íwe nó n wai? ¹⁴ Ticuruu in te lisone kani wai nnya kani íwe le, liké nó n láárú. Ani kapɛ pisoí n wuru, líka áí kapɛ ye kɔ nfasimé nó tã. ¹⁵ Amá ani nósínéfa-i n nyu re Kirisi yee Upiima, ani kɔ ríyu u n waise. Ani ye nómenécíre n cápínelẽ non ne mé te pin nó m pise re yo nnya kani nní meýá ne u tálẽ ¹⁶ nɔké rinóó nsone yosí ne ipakare. Ani kɛfa n kpáiiĩ, pɛpɛɛ ne nó n náási re piké nórínéyu kpu pin nó lámisi re nɔ Kirisi tikilẽ nnya, piké isei li. ¹⁷ In Uléécaá mɛla, li kutɔsi we nɔké lisone n wai non ne íwe le ne kani yé nómenéwai kópe kɛcáá nnya íwe n le. ¹⁸ Asei kɛcáá, nkɔ cireníje kóló ke Kirisi uu pisoí akópe kɛcáá kpu. Uricuruu úu akópe áka má, amá uu pikópekɔ́ kɛcáá kpi re uké ne Uléécaá kɛmɛɛ pi ha nnya. Pi u kpule uu kpi yare ke kesoipipi ake ye n kpu mɛɔ, amá Uléécaá Nfaasone nn u yukuse, ¹⁹ háí uú ne pɛpɛɛ nkɔ kuhore-i n kpaniĩlẽ Nléécaasimé yóó. ²⁰ Pẽ ápi pɛɛ Uléécaá pakare kumúnjé kpe-i kuú pɛé ne pi n kahari úu la uké ukuwɔi yukuse. Pɛé uye-i ke Nowee uú pɛɛ ukutakai karií. Pisoí nkáripí, pipaha ñmanɛ pɛɛ kukemɛɛ lomɔ, aku míni kɛcáá n tɔsilẽ Uléécaá uú ne piayu lɔlu. ²¹ Limeni mɛ ye míni kani ye neni nní ní wóle ai nóányu lɔlu kumírí le. Api míni nó wóle re liké nóínépinje kɛcáá mékperinkpe hɛɛɛ. Pi míni nó wóle re liké nyíse re nɔ ne Uléécaá ténile re uké ne Yeesu Kirisi meýise pikɔ́kɔ́ kɛmɛɛ ritiki uké ne nókenémúnjé sɔnukuse. ²² Uyee keyómɛcaá ritaá uú ha Uléécaá kuluke-luke-i keyukóótonɛ-i tonɛ. Uanipe-i ke Uléécaá uu pilécaatumɛ ne lɛ nnéi lɛɛ kei ríyu ne ñnanje m má wa un likecáá tã.

4

Lɛ kapi ye Kirisi kɛmɛɛ isoi fale n li

¹ Kirisi ye uipɛɛ kɛmɛɛ ntóosi konle. Lɛ nnya, ani ukemúnjé kɛ keɔ m múlɛ nɔn ne mé te nɔké íwe li. Nkó ye uipɛɛ kɛmɛɛ ntóosi n kɔ yèè fele uu akópe piwai yá. ² Lɛ nnya, kaí ne neni n kpísi, ái pise re nɔké Ulééca mela n tikilɛ nɔn kɔ ne itupe tɔrɔɔ nnyí kai nní ketɛ keɔáá nó n tise nínésoi le. Ani kape lɛ ke nínépiɛɛ ii n káipinkɛɛ n tikilɛ. ³ Asei keɔáá, nɔ pee mekeɛ pepeɛ ápi Ulééca n wuru mela meyá wale, nɔn mékperinkpɛwai ne pikáipinkɛɛ ne pítaniré ne iluke picaainkɛɛ ne pítaniré ikenene wai nɔn piléé nyóɔnse. ⁴ Li nkpéni lipite pɛ nnóo yile re áni ye kɔ mewai kópe mé piwai rikpá pimɛɔ. Lɛ nnya kapi nó lámisi. ⁵ Pi yé kam api pimɛwai Ulééca kéenkeɛ. Uye umecire cápínelenle uké ne pinyánnyá ne pikpɔkpɔ nnéi túhaane. ⁶ Lɛ nnya ke Kirisi uu Nsímé Kɛcire riyóó uú ne pikpɔkpɔ ricuruu péne. Pi pimɛwai keɔáá ne pi túhaanele yare mpá kesoipipi kéye meɔ. Amá Nfáasɔne nnya, pi yé nkpéni fe api Ulééca kɛmɛɛ nfáa m má.

Lɛ kapi ye Ulééca lihɛɛɛ rimmúlú

⁷ Mpá yo ketɔ ye nnyáá wale. Lɛ nnya, ani mesɔhɔ m má nɔn mpá yo wai ne kemúnjé, nɔké ne piyómeyáhaa n fe nnya. ⁸ Lɛ nnya, lɛ kani yé n wale re ani mesére nɔne n lakaane. Nla yèè akópe meyá tinnɛ. ⁹ Ani kusáne n wapaane. Ani kape ye kefa-i n nɔmɔpu nɔn ne pisáne yósu. ¹⁰ Ulééca ye mpá nó úye linyine hele ne limpehɛ. Lɛ nnya, mpá úye uké ulihɛɛɛ kpísi uú ne picɔ n léni. Nɔn lɛ n wai, nɔ pee lɛ pisoí le pee Ulééca lihɛɛɛ nɔne m múlɛ.

11 Lin úye n he re uké ye nsímé riyóó, liute uké ye ne Uléécaá nnáó símisi. Lin úye n he re uké ye picá lē, liute uké rínanhe mmē ke Uléécaá uu u n he ne picá n lēni Uléécaá uké ne nḗpá yo kémee Yeesu Kirisi rinyiri nnya ríyu yē. Yeesu Kirisi uyee nḗpá píyeyi-pó meýóopi ne rínanhe te! Amí.

Kirisi iwe icó piluke

12 Pinésáne lala kecire, nókenéwuú áke kape tó ne lē kai nní ne nḗpape nó m peikee yare nna mee nókenécáá káonu. Ái kape nó n we yare lisáha linyine ye ni. 13 Amá liké meýá nó n láárú re Kirisi iwe icó kani le nnya. Limécó kai sánti liké nó n láárú, kumúhē kpe-i kuú ha umeyóopi rí lesene uké pisoi nyíse. 14 Pisoi pin Kirisi nnya nó n lámisi, liké nó n láárú re Uléécaá Nfaasone, Nfáayukóó ye nókenéméé wele. 15 Nó úka úu kape íwe n le re u usoi kpu nēe u linyine yáai nēe u mewai kópe menyine wa nēe u picá nsímé nnyine kémee táhankēe nnya. 16 Amá in te unyine ye íwe le re u Kirisi ukó nnya, ái kape isei u n we. Amá uké meníhe rinyiri tē nnya Uléécaá ríyu waise. 17 Ituhe ye tule re Uléécaá uké ne pisoi túhaane. Upikó kuú ne koraanene. In te tó kai ne koraanene, íye kai yé ha pee kété-pó pepee ápi rí la piké Uléécaá Nsímé Kecire kutu riñcá wa? 18 Li Uléécaá Nsímé ritelē kémee wólaalē te:

In te aseí ute ríyu pilale ye papisi,

íye kai yé ha pee kété-pó pepee ápi Uléécaá m pakarelē ne pikópekóó wa? 19 Lē nnya, pepee Uléécaá mela kémee íwe n le piké ne lisone piwai n nāhlē, api Uléécaá, aseí ute yee pi n wa anipe-i pimécire wai.

5

*Lẽ ke Uléecaa icápine piwéese api yé Kirisi pikó
kecáá rimpaí*

¹ Lẽ nnya, Uléecaa icápine piwéese kam nkpeni ne símisi. Nế ne kɔ pimɛcɔ Uléecaa icápine uwéese lɛ. Ne Kirisi iwe kuu n li ne inénípɛɛ yenlɛ. Ne kɔ meýɔɔpi mee nfáani n léerine kémee ketónɛ mále. ² Lẽ nnya, ne la ké nó riɲmóópúse re ani piseesé mecɔ písoi ke Uléecaa uu nó rimmúise kecáá n̄sɔne m paílɛ. Ai kape tɪlasi, amá liké ne nórínépóɔ yare ke Uléecaa uu n̄ la. Ai kape kɔ re piluke tɔɲé-tɔɲé pinyine kani kémee wéési, amá ani pikɛcáá m paílɛ ne kefa kesɛ. ³ Ai re nɔké p̄ɛ ke Uléecaa uu nóanénípɛ-i n wa ne kɛyuu m páápú, amá ani n̄sɔne n wai piké nó n nyáni pin nómenécɔ wai. ⁴ Nɔn lɛ n wa, uwéese ye písoi kecáá m̄ paílɛ yare useesé un ha n ka, u yé riýɔɔpikɔɲ tee ári ye pikai n caai nó rikipise ani pɛɛ ríyuu m má.

⁵ Limɛcɔ, n̄ pikpɛre ne piɲmánɛ, ani nómenécíre ricepise ani piwéese metene n we. Nónnénéí, úka úu kape ye u ne picɔ kusencɔ kémee umɛcire n taáselɛ. Li Uléecaa Nsímé ritelé kémee wólalɛ te: Uléecaa yèè píyuwélaa ncée tápisile uu mpí pɛɛ ye pimɛcire rincépise ne kefa fénnɛ. ⁶ Lẽ nnya, ani nómenécíre ricepise ani Uléecaa n̄naɲɛ nnéi ute metene n we uké ituɲɛ iyɛ kuu n yekei kémee nó ritaáse. ⁷ Ani nónnécɔɲ nnéi ukɛcáá topilɛ. U nókenécáá paílɛnɛ.

⁸ Ani m̄pá yo n wai ne kemúɲé. Ani kape lɔpilé! Nónnéléarɔ Setani ye kɔɔniile yare kúkinaá kɛɛ n senkɛɛ, un wéési uké unyine céériine. ⁹ Ani ncée u tápisi ani kɔ nfatɛne kémee n taalɛ. Ani n nyu re íwe kani nní n le icɔ ke nópinémáreɔ api ketɛ nnéi kecáá

le. ¹⁰ Uléεcaa ye riyále re nóké nkpéni íwe li ái kape nánjai. Amá u Kirisi ne ritikile uú ne nó séi re ani mesére umeyoopi kémeé n we. U yé unfanare píima kémeε rínanje nó he nónnéfatenε nn papisi líka ái yé ppeε nó ritiηa-tiηa nóké loó. ¹¹ Uyεε mpa píyeyi rínanje ute! Amí!

Iyáhaa tərəə

¹² Silasi kam n nyu re u aseí tikilenle yeε né lé amí ne kételépi nké nó wólu ké ne nó riηmóópúse, ké kə ne nó nyíse re Uléεcaa ye meyíkíyiki íπεελέε nó nyíσεε. Nə íπεελέε kuu nó rí nyíσεε kémeε rísəne wele. ¹³ Kirisi pikó ke Uléεcaa uu nómenéεə n wéε pin Papiləoni nté we ne unéηmánε Mariki ye nó yáhaapo. ¹⁴ Ani ripirane ani yáhaane líké nyíσεε re nó lakaanele.

Nó mpi nnéi nóə Kirisi pikó, Uléεcaa uké nkíηniηε nó he!

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1